

靜

厓

詩

後

稿

古之作詩者其亦有禪悟乎能忘嗜欲結掃地之緣有
慕清涼發打鐘之願而要其鉤深索隱咀英含華神思
相融節文自會故左司之沖淡禪也樊南之綺麗亦禪
也味蘊於至深而理通於無朕證羚羊之挂角契落花
之無言吾見其人請事斯語有如靜厓庶子前生慧業
再世宰官經孔抱釋送而來具任筆沈詩之美當其出
入樞要翱翔

禁廷玉軼馳空靈蛇掣掌吳興世傳速藻夏侯妙構新
詞強臺獨登雄伯無右豈不極凌厲一時之概也哉既

而攝心無住洞志真如信世味之非甘并宦情而亦淡
自裁居士之服有悅伊蒲之餐澡練神明脫離染著彼
岸回頭而即是此波似井而全消惟藉五字之因緣為
說華嚴之世界逢僧許讀對佛先呈米汁酣時茶烟裊
處擊節則林花欲散抗吟而天樂如聞又可謂飛清於
人海之中騰異於烟霄之表者矣往時共商雅什深佩
瑤篇蓋其學博而通氣闊以達陶令潘令如接乎宗乘
香山眉山早傳其法鉢今又得其全集而讀之梵爪千
言而不竭牟尼一串而皆圓門外桃花庭中栢子皆可

發滄浪之旨趣通表聖之品評在彼法為最上乘在吾
人為不朽業靈機一啓宿障咸除是禪可以妙詩心而
詩又可以破禪械也所更喜者十年一別雙闕重逢方
開話舊之筵即訂歸田之約關心秋水每羨鱸魚合眼
春山便思苦筍君既一鞭之先著余亦雙屨之能從將
追雅集於玉山訪前遊於孤嶼烟波相接蹤跡可通聞
君且有西湖之遊則玉版酬君花豬飽我幸無謂桑下
之不三宿也嘉慶六年十二月既望錢唐愚弟吳錫麒
拜撰

己酉之春忽感異夢知余前世為丹溪寺僧既寤而思
嗒然若喪因誦東坡先生詩云中間一念失受此百年
譴不覺汗下涕零萬緣待盡獨於文字結習未能破除
歸田以後錄近年所作別為後稿竊恐三生石上難斷
吟魂八識田中又成囓語矣乾隆壬子仲冬既望鎮洋
汪學金靜厓氏記

靜厓詩後稿目錄

卷一

古今體七十一首

起己酉盡庚戌七月

卷二

古今體八十七首

起庚戌七月盡壬子十二月

卷三

古今體七十五首

盡癸丑一年

卷四

古今體七十五首

盡甲寅一年

卷五

古今體八十五首

乙卯正月
盡六月

卷六

古今體一百十三首

乙卯七月
盡十二月

卷七

古今體六十七首

丙辰正月
盡七月

卷八

古今體九十二首

丙辰八月
盡十二月

卷九

古今體一百首

丁巳正月
盡七月

卷十

古今體九十首

丁巳八月
盡十二月

卷十一

古今體七十三首

戊午正月
盡三月

卷十二

古今體一百三首

戊午四月
己未四月
盡

靜厓詩後稿卷一



鎮洋 汪學金 敬箴

古今體七十一首

起已酉盡庚戌七月

游仙詩和韻十首

非癡非黠亦非頑一笑壺中去復還
碧海空尋行鳥杳白雲長付劫基閒
滄桑世外猶成局台蕩人間別有山
偶爾春風小游戲烟蘿依舊鎖松關

功成七日便昇仙太上真文見五千
鯨背騎翻瀛海月鶴翎神破薊門烟
蘭因絮果三生夢泡影塵蹤一昔緣

到得洞天知福地不須更訪沃洲禪

憐余凡鈍憫余頑特地遲留弗遽還爾室頓開祥止止
吾廬自愛意閒閒花成善果終依座雲示慈因偶出山
願作迦陵宣妙法梅檀香界學間關

分明咫尺對金仙不信蓬山路幾千一撮定爲離垢土

半空真有返香烟

室中有自然香氣號返香之烟見雲笈七籤

難窮天際虛

無想已謝區中障礙緣妙裏工夫參活脫須知詩酒不
妨禪

楮生寒瘦墨鄉頑多恐仙家絕倒還筆勢忽看元鶴下

詩情已似白鷗閒興酣乞得酒泉郡吟苦喚他飯
顙山妙遠神心超色界簷梅一笑偶相關

曾聞太白是詩仙偶證前因歲閱千佳趣有風兼有月
奇蹤非霧亦非烟燈花太喜難銷燄香火多情未了緣
試向箇中尋慧業不離文字也通禪

老猿隨我當童頑乘興而來興盡還捨法何歸歸寂滅
覓心不得得安閒夢中說夢誰知夢山外看山更有山
一駒去來雲水跡莫將定相認機關

華表徒悲不學仙何年小別已成千來如遠浦鴻留雪

去似空江鷺曳烟眷屬一家誰宿慧文章萬劫有奇緣
洞中瑤草如相識許我皈依自在禪

真有高風立懦頑邯鄲一枕度人還婆心切處翻成戀
佛願深時未肯閒活潑流雲生靜渚蕭寥落葉滿空山
此中示我修心法松下清齋守八關

度世曾為忍辱仙法身不二化身千歡場易盡三條燭
妙諦勤參一炷烟形影神從何處悟去來今豈偶然緣
懺除須藉清涼散綺語全消不破禪

和對雪聯句韻

西山漸沒晚峯興玉宇高寒禁漏嚴宦味已隨腰帶減
祥心頗耐髣絲髣遙停鶴馭教聯鼎忽覩鸞書喜捧函
談屑靜靈長柄塵詩襟豪寄短襪衫種深瑤草雲封洞
修到梅花月滿巖何意仙緣逢尉福不關秘術降巫咸
大千虛白全消翳太乙真丹合換凡歷劫誰參空色果
先生偶署醉吟銜齋心鄭重庚申守佩體分明甲乙絨
潦盡潭光澄碧淨烟收石骨露青巉閒情莫攪風前絮
定力終堅雪後杉委化漫嗟銷酒易方圓隨物付雕劖
游釣魚臺過白雲觀和戴可亭丈韻

郊外青帘記酒家菜塍麥隴望中賒客因補襖多臨水
官有餘閒便看花此地神心寄濠濮何年仙蹟鎖烟霞
春風不管沿隄柳又放長條壓帽斜

杪秋南歸見博國兩兒用坡公鄭州韻志別依韻
示之

飄然一身歎孤兀寸草春暉痛明發全家聚處忽分張
居者行者兩索寞萬緣未了總牽纏四十無聞已泯沒
西風催掛潞河帆屈指歸期及陽月汝曹牽衣話離別
使我見之倍心惻但須春華自珍惜要知時哉不可忽

喧啾箏笛縱盈耳端居古調聽琴瑟昔賢出處非二理
勉力務之各有職

津門舟次放魚用坡公次潛師放魚韻同國兒作
七十二沽落秋水漁戶挈舟各銜尾數罟盡取那計數
慘毒甚於秦白起已甘沒齒飽齏鹽忍見纖鱗佐酒醴
偶因惻隱丐餘生豈能博濟獲全美妙師說法度衆緣
時與妙雲上人同行要將甘露滴清泚看汝翻身浩蕩天我亦伸
脚舵樓底

初春赴隆福寺午齋見有竭澤而漁者因給其值

放之長流用坡公西湖徙魚詩韻

春冰吹圻玻璃塊驟聽桔槔響隴背潑刺迸散萬玉花
宛轉捲收一衣帶亥市貪求丙穴腴辛盤擬待庚池鱸
春浮居士學佛人齒牙慣嚼齏鹽碎乞食還過洗鉢池
志機不到垂竿瀨衆生苦集在眼前小劫挽回出意外
須臾相忘江湖天解脫便入華嚴會闍黎向我叩因緣
性光澄寂毘盧海

花墅招同匏唐叔溫兄弟及兒子彥國過問梅禪
院午齋畢步潭影軒小憩分韻得窓字

圍繞籬三面過從屐一雙名園殘水石遺剎老鄉邦初
地清齋磬諸天護佛幢到來魂夢悄喜有足音是竹靜
高拳鵲松喧遠吠龙茶烟常傍榻梅影不離窓已許分
壺鉢應教謝酒缸筍憐新解籜豆憶舊垂缸禮簡期懽
洽交深勗道厖近簷風鐸語隔院晚鐘撞信步尋幽徑
相扶度小缸欹牆全壓架卧樹半橫檣往者摩詩壘因
之繫釣艫亭臺推綠野文藻盛滄江妙諦尊師儼月印人
畸蹤隱士龐竹娛人燼添煨芋火簾擁讀書缸掩抑琴悽
軫飄零笛換腔重遊勞悵惘廿載苦紛囋淨業何時就

凡心未易降息機容我懶守拙願兒嫠此會明簪盍羣
公健筆扛庭陰連夕秀潭碧寫春涼更約聯牀話還謀
荷鋤稷閣中黃鶴返招手薦蘭茝

和執園婿春日書懷韻四首

光風漸覺滿前榮喜負簷暄話太平濫廁清華承世業
偷安溫飽欠儒生

八旬詔旨星迎使

時使初至

詔

萬里耕桑雨洗兵

安南後藏以次

底擬向田間賡擊壤如天浩蕩總難名

十年辛苦說鷹官博得詩人誚素餐棲息敢謀藏狗隱

紛忙都付過駒看風存質朴談何易職在文章報已難
却羨鄉隣敦洽比杏花村社坐團圞

覓靜求空總未宜除心除境孰能知清閒偶覺休官好

煩惱皆因學道遲祖德毋忘先進野

祖居曰從野堂

兒曹且放

阿翁癡簷梅消息勞相問花落花開却為誰

幾生悟透頂光圓踏破芒鞋坐破氍省過一編勤手錄
護生萬命解腰纏在家僧學闍黎樣入社人深般若緣
待結香林作持供性根同證寶池蓮

金門編修寄示金蓮燭玉糝羹五七言各一首並

屬同賦因有是作

直廬盛事溯名賢歸院曾攜寶炬蓮官裏緩催庭燎晷
禁中先對閣藜燃氣承調玉升輝朗價重塗金鬪采妍
清切地開躔四七光明藏現界三千慶霄瑞湧瞿曇座
秘苑竒乘太乙船根削芙蓉銜合璧枝擎菡萏綴連錢
蜃脂結霧膏難燼鶴醵迎風暈欲圓煜爚乍分香案字
朦朧又繞御爐烟求衣聖后宵尤警視草詞臣夜未眠
館局舊巢重省記閣門新勅亟傳宣對親咫尺顏逾近
寵越尋常席屨前翦處渾忘移漏箭刻來還許試吟牋

若占佳兆花添喜為感深恩淚共懸幾度影搖珠箔外
一聲呼送鎖廳遙鈿銜二等窺今夕蠟限三條憶昔年
星漢漸橫天北極雲霞忽曙殿東偏未灰孤抱葵心向
普照餘暉棣萼聯九陛奇珍驚下吏兩宮殊遇說中涓
宋家侍婢徒豪爾申郎司奴詎擬旃更跨燭龍朝絳闕
青童雙引大羅仙

右賦金蓮燭七言二十韻

饌玉徵名舊炊羹取意新誰供堂上膳聊慰海南親山
寺師煨芋江村學芼蓴詎同藜不糝底借鼓為珍白礪

霏霏屑錯飄瑟瑟塵霜匙淘粉滑冰椀點湯勻溫軟寧
妨齒芳腴乍入脣龍涎猶遜釀牛乳更輸淳佐酒時宜
卯登盤物配辛製經調濟美辦覺咄嗟神事業鹽梅在
庭闈菽水真家風存質朴宦味忘沈淪鯖本羞樓護薤
尤薄季倫食諸殊自樂收粟未全貧禁鬱浮生夢齋盂
宿世因腹充堪達旦頰煖頓回春挈榼符吳約加餐邁
迨詢蹲鴟思蜀產蜜唧哂黎人頗快清饒口還扶老瘦
身菜根須齧慣吾亦慕先民

右賦玉糝羹五言二十韻

七浦觀海潮作

七鴉浦前風不起海色空青見千里杳渺帆檣島嶼間
參差城郭烟雲裏沙頭立馬馬未回海門一線捲潮來
銀山塌地蛟宮圻雪浪排空貝闕開我因濬浦權利弊
蓄洩兩端集羣議潮退淤沙固可虞潮來閉牖終非計
願潮控濁兼引清海神効職駛且平不罹卒歲風濤恐
但見崇朝溝澮盈海潮足吳田熟木棉秋黃秧夏綠潮
頭一直到維亭婁人有潮到維亭之諺沿村唱徧迎潮曲
將之天竺雲棲瞻禮舟中示家人作

靈竺長開古佛天樓真重結云師緣雲樓吳越時為棲真院蓮池大師復

舊名懺除綺業鶯花裏領畧韶光箭廠邊貪取湖山供點

筆耐消風雨足安禪居然泛宅全家去同證他時般若

船

吳門送春口號

朝來飛絮滿天涯落盡吳王苑裏花要與根塵示清淨

東皇著意洗鈴華

平望道中

一隄濃綠染漁蓑幾片雲帆鏡裏過天氣移時變晴雨

人家終日住烟波桑疇遠近沿村密
菱蕩高低占水多
絕妙鴛湖供奉曲風流應付榜人歌

烟雨樓

蕭蕭瑟瑟菰蒲塘杳杳濛濛鷗鷺鄉
烟雨樓頭看烟雨
負他八百里湖光

初至湖上

人間信有小蓬萊金碧天然畫
幃開三面湖山拱城郭
一重烟雨襯樓臺便呼小艇門前住
閒覓精廬嶺後來
幾度題詩仍擲筆香山玉局占仙才

謁岳鄂王祠墓

崇祠幽隧肅嚴扃異代褒忠俎豆馨
天地一時餘憤怒湖山千載有英靈
黃龍不見宮車返白鴈重悲戰血腥
淒絕六橋佳麗地諸陵無主哭冬青

登孤山放鶴亭

湖光作陰嵐氣合斷壁頽垣闕幽
颯莓苔斑駁不記年依稀猶認鶴
蹤跡處士高風後人仰爭擷溪毛薦
山榼偶然聲歎應空谷疑與先生相
問答

亭前四山合
抱有響輒應

六一泉

勤師留語未為誣一勺淵源記大蘇若論門牆傳鉢話
斯泉合傍潁西湖

四賢祠

鄴侯昔刺杭六井利永垂後來賢太守白與蘇繼之三
賢有遺愛功德祀固宜君復石隱流肥遯甘孤羈顯晦
既殊軌蹤跡寧相隨要知尸祝義良由景仰思慈惠衆
人母風節百世師矧茲四先生懷抱邁等夷後先各輝
映千古同心期三主得一賓合饗允在斯澹臺入偃室
誰能議其私

天竺

天竺國名號落伽山道場聲聞歸自在相好現真常取
證三生石來叅七葉堂凡情難了脫一意乞慈航

雲林寺

卽靈隱寺

湖山美秀萃於斯一刹天龍永護持不改規模古靈隱
真宜位置小須彌壁留佛相住非住洞出神工竒又竒
欲叩楞伽覓尊宿定中蹤跡老猿知

韜光庵

到寺方知後嶺賒別開曲徑引修蛇竹泉行盡見初地

仙釋住來成一家絕頂擬窺滄海日半空遙指赤城霞
莫嫌斷却金蓮種庵有金蓮花一株相傳韶光禪師手植近為俗吏所壞寺僧云但淪
靈源便茁芽

虎跑泉次坡公韻

幽壑古藤折而上神漢出地作震仰雲淙繚青潤佛髻
露漉凝碧瀉仙掌性師說法已千載派別支分誰嗣響
匏樽乞得勝醍醐使我頓除煩熱想

登六和塔望錢塘江

穹塔出山腹雲林望轉稠來尋開士宅擬共化人遊欄

楯空中拓香花象外幽江天歸一掌吳越盡雙眸觀日
凌滄海乘風問沃洲愧無枚叟筆難賦廣陵秋

謁蓮池大師塔院

七筆勾完六字持天教儒宿作僧耆一家眷屬隨龐蘊
同社名流禮遠師身寶至今藏舍利性光終古現牟尼
洗心池畔清涼水不滌凡情更向誰

雲栖卽事八首

我愛雲栖好山門阻且深泉涼分雪竇林罅補烟岑秘
塔真如體清池般若心琅玕隨意長都作鳳鸞吟

我愛雲栖好宗風古德傳十方平等相六字上乘禪法

磬清長夜香龕住小年一空無罣礙底藉飯僧田雲栖無寺

田蓮師遺教也

我愛雲栖好香林古道場定中龍獻鉢伏後虎休糧極

樂人天國無遮水陸堂夜來燃法炬徧地白毫光

我愛雲栖好慈悲護衆生鳶魚性飛躍鹿豕跡縱橫法

座聽經至齋厨乞食行回看塵劫內刀俎太無情

我愛雲栖好長留文字緣座銘遺手澤院印秘心傳蓮師

開山得古印文曰石碣香曾奉塔院二碑為前明諭德秉教加持之印吳應賓撰文自稱受戒

弟金經墨尚鮮

董香光書
金剛經

更瞻停

蹕處

奎藻斗霄懸

我愛雲栖好山厨許飽嘗粥餽耆宿約樵碓行人忙就
覓匏尊潔分盂豆乳香味禪須領畧澹泊是真常

我愛雲栖好登臨愜勝觀四圍峰合抱百折路旋盤壁
削天容變林空海氣寒喚醒塵土夢欬唾五雲端

五雲
山為

郡山最
高處

我愛雲栖好軒窓坐卧幽經臺平似砥僧屋小於舟竹

露未收午松風常帶秋蕉團安隱地只在此山頭

曉由雲栖至理安寺

籃輿輕穩疾於飛嶺上朝雲亂拂衣行盡竹香松翠裏
不知何處是巖扉

疊澗迴溪斷復連何年尊宿此安禪我來却值寺僧去

獨聽空山法雨泉

理安寺泉名

湖樓和坡公韻

薄醉模糊生眼纈晚涼盤礴解衣船樓臺倒入玻璃界
青透西湖雨後天

捲簾晴翠拂人來十二屏風向夕開
好待樓中吹鐵笛更攜明月共襄回

一面彎環青玉案十分潋灩白銀盤
朝朝吸盡湖山渌為報詩人已廢餐

隄外垂楊隱畫橈軟沙細草鷺初翹
衝烟遙見橫飛鶴喚起孤山處士招

廿年來往真孤負一月勾留詎等閒
莫笑吳儂不知足掛帆更看剡中山

大佛寺

鑿開混沌費神工芥子須彌豈異同小法多應生執著
大身原自徧虛空泉為供養常散雪寺有沉雪泉松得聲聞
欲吼風觀海何年遺纜石試憑往蹟瞰龍宮

四月十四日晚至韜光謁呂祖像過訪普圓院

月落衆峰頂小庵鐘磬幽青芒輕似鶴白衲淨於鷗普
院元時正字禪師駐錫於此常衣白衲名曰衲庵暗乳風泉洞明霞海日樓似

聞雲駕駐此地卽丹邱

淨慈寺用坡公韻

招提突兀冠南山佛關僧寮積翠間蓮界常看龍象護

蘿梯爭效鶴猿攀三千塵刹毘盧寂五百聲聞自在閒
無那凡情除不得匆匆又聽暝鐘還

遊小有天園

西湖靈秀區佳景聚蘭若茲園與抗衡漪嵐面明治誰
歟卜築之吾宗好事者隔澗導沙泉凌崖架簷瓦緣梯
蘿桂攀探逕蓀荃把

宸遊偶留題公卿恣陶寫大抵競豪奢時復親風雅轉
眼廿年餘零落散春社看竹不問主日繫使君馬竭來
小延俄石屋坐豁聞嗒然悟盈虛視此江流瀉大千碎

微塵總屬空華假造物無盡藏消受福分寡洪惟慈氏
力法輪震華夏梵宮鬱嵯峨窰堵藻丹赭縱聞劫火災
幾見香燈施卓哉達觀人發願宅先捨

錢武肅王祠

山頭片石鏡光搖崛起名王應識謠已見錦衣纏大樹
更聞鐵弩拒靈潮霸圖五季相終始祀典千秋未寂寥
自是臨安懷舊澤錢家轉勝趙宗桃

由棲霞嶺歷觀紫雲黃龍諸洞之勝

前峰俯澄明後嶺鬱窈窕屐齒破莓苔隔林竄猿鳥谷

迴烟篠濃磴矗雲松曉巖扉一磬幽石屋孤篆裊肌骨

沁清涼心神除熱惱泉淙散白沙名泉覆以笠亭小聲確

轉山腰嶽峯凌木杪無門衆妙門黃龍洞一名無門洞入門當自

了壁像湧何年迴絕人天表竒哉萬歲藤往復互盤繞

垂枝雨花濛濯影潭鏡皎境僻趣乃深地邇跡偏少底

謝區中緣蓬瀛望縹緲

玉泉觀魚

跳碧搖紅聚一渠非魚何必不知魚江湖雖好多驚餌

願乞闍黎洗鉢餘

雨後登葛嶺絕頂作

我來僦屋湖之湄，壓簷葛嶺青崔嵬。十日看山意不愜，
望遠直上初陽臺。凌空倒景一千尺，下界隱隱聞輕雷。
天風砭然收雨脚，頓令萬里無纖埃。樓臺明滅翠微裏，
村郭出沒蒼烟堆。江天海霧入懷袖，西湖一勺何有哉。
趙家南渡勢不競，師臣贊畫真駑駘。簡書未達敵境外，
賜莊已闢雲林隈。笙歌庭院萬羅綺，畫圖泉石千瓊瑰。
木棉庵頭新鬼哭，須臾福過皆成災。千年遺臭尚唾罵，
茲嶺往往遭譏詈。譬如才士落權貴，身名一例隨淪埋。

要知顯晦有時運天生奇秀寧終摧仙人井水自不竭
一泓寒碧藏莓苔乞與山林洗斯辱竹龍他日重歸來
過溪亭用坡公韻

名賢偶託跡往往記某邱歷久乃益顯遺勝艷千秋風
篁嶺畔亭知為二老留溪流本不竭靈脉來龍湫繫余
溯行蹤來往虎溪頭撫今復感昔過眼雲烟浮辨師較
遠師難分絀與優蘇公繼陶公卓哉第一流不知後來
者孰擬斯人遊匆匆過溪去俗骨生煩憂

試龍井茶口號

玉沙瑩碧細浮花金縷分黃嫩焙芽最愛龍泓亭子坐
本山泉試本山茶

于忠肅公墓

碧血當年灑九京升堂凜凜氣如生有君便沮居奇計
不殺難收復辟名隻手更誰扶大厦傷心何竟壞長城
篋中重檢爭儲草益信純忠皦日明

謁越國先公廟

聞說吳山廟貌尊親從對越想根原保民豈為私疆土
垂訓真能庇子孫

有垂裕
錄傳世

百世音容如可接六州愛戴

此猶存後來錢氏師遺軌功德崇祠照里門

留別西湖

未至神先往將歸意更留無端三宿戀轉惹一番愁送
客偏青柳隨人奈白鷗應知今夕夢只在望湖樓

呈彭尺木先生二首

葑溪清且漣沿緣入城郭中有忘機人焚香坐高閣後
視圭組榮解脫謝塵縛願以六度力破此五濁惡稽首
西方尊氣專容寂若聞思契清淨神明軼寥廓孰謂安
養遊而非孔顏樂

君昨錢唐歸向我說禪喜我今錢唐去就君叩妙理茲
邦選佛場湖山信靈美闍黎住安隱直扶無生髓一拳
與一拂見月先見指而我無所遇聊復行脚耳遇者空
中華不遇海中水二者將毋同請以質居士

咏佛手柑

四果三花諦自深一拳千手取誰禁眼前示現兜羅掌
并觀聞思蔭蔔林無所住心色香味若為豎指去來今
摘官枉擅江陵富輸却祇園布地金

題邵義溪松菊怡情圖照

爾我分原太覺癡形神合亦不勝疑青松黃菊都非相
便是本來面目時

五柳先生歸去來田園佳興殊悠哉廬山自有遠公社

底事掉頭不肯回

時栽溪學
道礪城

靜居詩後稿卷一

靜厓詩後稿卷二

鎮洋 汪學金 敬箴

古今體八十七首

起庚戌七月盡
壬子十二月

與家人分詠舟具

舵

濟川具舟楫汝其左右之居中獨善運原不使人知

關

一索千鈞繫具此轆轤巧難進易退間當軸得其道

緯

傍岸互浴緣停橈轉繚繞莫怨石尤風來船挂帆好

跳板

失足是苦海舉頭即彼岸兩手把虛空一心常不亂

詠雙雁

風信榆關底急催相呼相喚度雲隈書傳遠道連章報
陣結遙空對仗開蘋蓼鄉應同夢穩稻粱謀豈耦居猜
鴛鴦湖畔如相覓一樣晴沙點碧苔

賦得瀹鮮燒筍得朋字同潘蘭坵方葆岩作

紛紛食肉太瞢騰齋鉢因緣學戒僧敲得菜根宜拙宦

淡於水味是良朋漫攜茶鼎烹煎共最憶櫻厨飽啖曾
虛擬蓬池重斫鱠甕虀福分未相應

賦得辛盤獻酒得歡字為劉金門編修作

預話屠蘇念已寬羨君子舍早承歡介眉合獻宜春酒
屈指須過饋歲盤曾寄梅花勞驛使為供菜把賴園官
丙腴好佐南京美卯飲能禁北地寒虀臼辭傳新典冊
蔬盂味耐舊饔餐敢忘辣性存薑桂願託芳情潔蒹蘭
堂上白頭扶翼鏢燈前黃口繞團圞獨憐京邸重來客
節物驚心不忍看

仲冬初六夜分獨坐寒月在庭萬籟俱寂偶成是
詩

龕火初消暖未回一庭冰魄凍雲開妄塵本向空中滅
妙諦全從靜裏來漸覺萬緣皆嚼蠟莫教一念更然灰
眼前認取心常住只在寒林數點梅

疊韻示家人

不見靈山莫便回琉璃性地刹那開修將福慧須雙足
了却因緣勿再來鑷刮終期能盡翳鏡磨最怕又蒙灰
即心即佛非心佛公案分明舉大梅

右示忍慧

千古浮名詆彥回
聖賢立志始基開
五倫做起工夫定
六藝通時作用來
大道儘容愚魯得
壯心莫為晏安灰
鴟鴞專一風人義
願爾殷勤詠在梅

右示愚生

學禮當思美釋回
愛渠心孔頗能開
家風端合從先進
世事何嘗涸本來
堅最耐磨金受礪
垢須求滌水和灰
所期實踐親甘苦
莫見梅林但望梅

右示耐山

望雲幾度苦遲回此日相攜笑語開慧業本知靈照有
嬌情尚愛左芬來千聲願乞楊枝露一粒求忝豆子灰
為我便謀歸老地團瓢近傍石湖梅

右示果聞

詰朝巾帨問安回徧禮華嚴梵夾開福果先從心地得
願香曾結法雲來勤忝密諦鍼尋樣默印前根箸撥灰
休為羹湯妨止靜齒牙已慣嚼冰梅

右示慈願

到了山門退不回願須決定性須開優婆夷戒修持去

般湮樂心滅度來泥已在釣先化質燭因生燄易成灰
世間桃李原麤俗矯矯孤山雪裏梅

右示修真

金門徧和諸作機法雙融辭旨兼妙仍用前詩韻

賦呈四首酬謝

朝朝朶殿珥毫回解脫緇塵本性開位業已從仙吏注
因緣却現宰官來星壇六甲丹砂篆史局三條絳蠟灰
福慧前生真具足玉堂學士待調梅

憶昨官花捷報回南州甲第傍雲開商芝採罷扶鳩至

青房言和
天錦攜將度鵲來介壽頻添簪勝縷戲嬰羣繞爆竿灰
東風有意傳芳信早達江頭驛使梅

新篇疊唱紫雲回彈指芬陀頃刻開合社道情三笑見
同龕禪誦六時來鼎烹肯卻伊蒲供鑪火還親楮拙灰
鐵石心腸君自有不妨偶賦廣平梅

天涯底事首頻回猶記蓬門掃徑開一鶴遠翻雲海去

朱石君師
出撫皖中

雙魚勤泝錦江來

屢得戴可亭丈
喬梓蜀中手書

升沈總付

浮生夢聚散都關小劫灰冰雪交情原耐久與君共證

歲寒梅

十二月十九日紀事

閼苑神仙府眉山忠孝家崇班登玉局真誥錫瓊華帝
座精誠接天宮慧業如文章千象緯眷屬聚冠珣殿職
清兼要壇儀肅不譁宣揚香案筆侍從絳帷紗降誕占
辰吉升裡合禮嘉嘏辭虔薦菊巫些陋傳芭忉利緣何
厚浮黎界本賒台垣晨散謁福地午休衙王母桃留核
安期棗類爪霓裳三疊舞星帔七香車高會方無極長
生詎有涯惠然來鶴馭竭爾度鸞沙問訊奚為者音容
宛在耶篆文餘袅娜芝朶自紛拏酒醺掀髯盡詩篇信

手義萊斑隨壽杖萼綠現靈葩小鳳聲相繼家雞格未
差銖衣微結束墨戲忽飛斜說偈拈雙井題名押五花
上元圖佩嶽下里曲徵巴和露霏絃纈迎風吐紫芽凌
波思洛浦指月印耆闍駐待蠻牋擘催煩羯鼓撾笑寧
禁爍電醉且勸流霞浩劫談雄快元言義廣遐樞司崇
綰綬冊命貴分麻純行叨褒鑒貞風式靡哇團圞光碧
佳瑣屑汗青誇底用河填鵲難將海語竈渾疑魂夢引
祇憾眼塵遮憶昔嬰鉤黨投荒犯厲瘕臣精銷萬里朝
跡掃羣衰於邑乘桴感飄搖毀室嗟琴書攜令子巾幗

獎賢嬌堂上羹炊芋厨邊釀瀉椰白頭成伴侶紅粉薄
姬娃一念輕遺蛻三生小結跣有緣依聖佛奚恨補皇
媼元祐名逾重仇池願匪奢高卑晒鵬鷄伸屈喻龍蛇
顥氣歸蒼緯英光閃赤輶古來多拔宅原不藉丹砂

盆蘭二首

誰將絕調撫猗蘭一種纖穠盡數刊開向早春偏寂澹
來從空谷本高寒風懷露抱傳芳遠畫格詩評入妙難
丈室已知離色相氤氲微覺炷沉檀

國香千古冠幽蘭花史從來鄭重看冰雪鍊餘留葉翠

根塵了盡抱心丹
匆匆桃李消春艷
鬱鬱松筠託歲寒
只有湘靈是知己
此情付與瑟微彈

除夕和蘇韻三首

饋歲

京洛多交游榛栗中饋佐黃羊
紫鹿珍爭覓廟市貨逼除
摒擋勞但願月盡大奚奴
曉白事嘈聒破清卧近來
學避喧日禮瞿曇座却笑
酬酢緣往復如旋磨閉戶成
斷滅人或議其過物我既兩忘
不倡亦不和

別歲

莫言白日速但悔學道遲吾年逾四十既往不可追此
生求自度所懼生有涯今歲逝將去來歲曾幾時食粟
有餘愧那復謀甘肥歲君頗多情臨別勸勿悲我留子
無益為子致一辭亟須覓常住休逐容顏衰

守歲

佛說清淨戒修禪鉤睡蛇行人殊不解苦被無明遮暫
欲守庚申奈此三彭何今夕為何夕徹曉比隣譁吾亦
炷香坐那管城鼓撾但願常習此兀兀無歌斜一年是
兩年藉以補蹉跎笑指不倒翁矍鑠真足誇

年餽三十六韻

隸事搜厨品拈吟關館毫敲春應說餅獻歲恰題餽秭
輒供京米秔香轉省漕徹宵隣磨碾詰旦寺泉溼蒸借
松柴燎餐停菜把茱蘭湯凝玉屑蔗液沃瓊膏活活文
生火浮浮氣捲濤臙盛資越簞肪截試吳刀戚邨槃匝
餉閨闈井臼操珍逾連片飫甘勝幾九牢臘粥留餘俊
晨炊助老饕穀祥占早熟椒頌喜增高吉利鄉風習精
奇市帖褒粃盆縈翠纈柑榼佐清醪雪餌方圓肖蜂窠
左右遭仙筵堆棗核談座引茶槽節物從頭數年光逐

眼勞燒燈鑊粉涓寒食擔錫鬻榆莢溲芳糝槐芽漉冷
淘黍筍分縷綴瓜案剪酥熬月樣重規暈霜層五色縹
承筐猶歷歷啓籥又陶陶薦禰昭芬潔娛賓式燕敖饌
饌徒採諺粒妝漫哦騷蜜餞寧辭膩油環未耐臊含飴
嬰作戲數典牒輸豪紀俗徵荆楚箋經覈鄭毛例沿元
日宴製異太官曹竿爆催喧竹門符報換桃屠蘇延慶
集鬱壘禦魑逃祝願駢綏祿嘗新萃樂惱即今簪寶勝
憶昔染藍袍司命懽相洽朝正福共叨淪鮮宜杏酪入
饌配菰羔聯鼎竒緣幸傳觴險韻鑒開韶三百六醉墨

沁酖醕

元夕偶成

帝里春聲萬戶增。昇平樂事此堪徵。先天氣象梅松竹。
大地光華雪月燈。寶馬香車遊爛漫。清絲脆管醉瞢騰。
一龕也對長明火。喧寂年來悟未曾。

題羅兩峰鬼趣圖

云何屬鬼趣。貪瞋癡愛是一切地獄相。惟心所造耳。佛
說大涅槃脫生老病死。一明拔九幽天堂在尺咫。羅子
學佛人。叩見宗乘旨。奚為弄筆墨。紛紛狀俶詭。文人錮

結習。呻吟。輒滿紙。母乃妄造妄。為佛所訶矣。願將枯竹枝。咒出甘露水。徧灑大光明。青蓮界現此。

萬古神仙最有情八首

萬古神仙最有情。前緣不了後緣成。持來祖印能超劫。費盡婆心為度生。白日幾人酣蟻夢。紅塵一世負鷗盟。可憐親授丹臺訣。凡骨無由學蛻輕。

解粘釋縛願圓成。萬古神仙最有情。指點寓言標妙悟。受持秘旨最專精。雲房芝朶分明在。火宅蓮花次第生。不是曹溪施一滴。波瀾業海幾時平。

星壇紫炁接三清。丹篆蒼珠親守護。萬古神仙最有情。
一龕香火為常住。玉簫夜半度鸞聲。瑤洞春深留鶴步。
文字因緣月旦評。才人莫被風騷誤。

豎拂來游賜節迎。蓮邦桂闕御風行。十方福地原非相。
萬古神仙最有情。蓂蔔若為成此界。芙蓉畢竟主何城。
一聲笙鶴隨空杳。凝睇難尋碧落程。

我所思兮舍衛城。側身西望鸞鳳翼。只愁蓬島路難明。
多恐桃源留不得。萬古神仙最有情。三生面目空相識。
拖泥帶水亦何成。慚愧當年好山色。

幽齋鐘磬寂無聲。臘撥殘灰小炷清。酒醖詩篇游戲跡。
藥爐經卷苦空名。一門眷屬誰收果。萬古神仙最有情。
法會因由休執著。六如偈子早忝成。

本來何滅又何生。世界無非鴻爪雪。十地勤呼菩薩聲。
三年苦累豐干舌。水邊林下是前程。天上人間俄小別。
萬古神仙最有情。願香常向虛空結。

錯字從來鑄不成。蒲團一誤到今生。動中覓靜真難靜。
暗裏求明苦未明。誓斷識塵千劫障。感深淚雨兩行傾。
他時徧與人寰說。萬古神仙最有情。

和示別韻二首

大乘那復有餘乘宏濟從知本願應演化分攜仙吏筆
修心直示祖師燈普騰誰醒三生夢墮落空慚一世僧
業海無邊慈筏渡全家頂祝感難勝

尊鱸歸興縱堪乘便擬偷閒却未應隨分祇憑旋蟻磨
忘機已悔逐蛾燈風塵肯溷折腰吏雲水猶忙行脚僧
半偈受持忝得否到來棒喝恐難勝

用前韻留別同學二子

長風快說海槎乘世胄英資密勿應每為旬休過巷轍

却因夜話剪窓燈才名早冠金閨彥風味時親玉版僧
屈指心交更誰在嶺梅信杳思難勝

謂戴蓮士

右方葆岩

福慧俱超最上乘宰官說法現身應詩人已賦循陔什
學士初攜退院燈上國看花曾作使名山煨芋早逢僧
玉堂枉說巢痕在衰謝江毫愧弗勝

右劉金門

白溝河早發口號

人海難逃溽暑侵一鞭差喜散煩襟斷陂烟鷺忽鄉思

破院風蟬初道心客趁早涼頻問夜農知新熟不愁霖
年來慣踏畿南路輸與今番蓆帽吟

途中用前僧字韻寄示京寓家人六首

自了原知住小乘初機於此亦相應嘗來世味如狂藥
透出心光有覺燈兒女並為同社侶夫妻已作在家僧
交情一世蓮師偈說便能從喜弗勝

一世交情幾句辭
從與不從君自決

蓮池大師贈其
配湯夫人語也

右寄忍慧

從來否泰本相乘學道當知定力應莫執空機愁露柱

翻因小劫悟風燈綺情已斷鶯花業塵累猶為酒肉僧
試較年來喧寂境茶烟禪榻味差勝

右寄愚生

潞河單舸昨同乘待我歸途子職應九曲松阡風樹淚
半弓梅塢雪窓燈閒來埽徑緣迎客佳處尋山為訪僧

一稚者番堪破寂舟車休慮弱難勝

時攜春
孫同歸

右寄耐山

般若船教善信乘積功修行爾尤應寧親虛附秋歸棹

慈願欲隨余歸
寧以病未果

繡佛勤依夜讀燈樂處能尋安養境忙

來且做住持僧時理家政經旬便喜逢時爽定報清羸已漸勝

右寄慈願

不二門中學戒乘問云何住始為應須知膠柱難調瑟
豈待披帷始見燈生計儘荒三畝宅善緣普施十方僧
龐家眷屬無靈照迅捷機鋒孰克勝

右寄果聞

師吾草堂祖席留別

無限情懷對別觴隣雞休趣五更裝故園風雨聽今夕

喬木星霜念此堂

外祖舊第

名教堪師前輩社交游已悔少

年場我行欲乞臨歧贈什牋蘭言久不忘

仲冬既望夜出丹徒牕過焦山抵金山寺泊舟已

三鼓矣

渡江候晚潮落日四山黯澹滌滌舵尾鳴颼颼帆脚颼颼
茲京口遙涉彼海門險舟人習利便書生決勇敢中流
吐晶毬乾坤快一覽近水霧稍昏約略辨螺點覲面阻
佳游既過心猶嘆縱愛雲岫奇終覺風濤撼戍壘占鳬
鷗漁燈亂葭莢忽聽寺鐘撞已報城頭紉繫纜卧柳椿

扶筇折松戶銳進固所嗤明發庶無忝學道漸忘機行
止信沅坎

同陳蓮塘郁蒼湄顧甥卓庵步入金山寺看月作
江潮已落舟不前山鐘罷打僧初眠盤陀踏葉亂林鵲
驚飛直上浮圖巔老松揖客如舊識古殿禮佛多前緣
濟勝不負好腰脚要凌絕頂觀江天妙高臺畔月輪午
波光萬頃搖清圓晶宮貝闕遞明滅藏珠疑在驪龍淵
夜深海氣濕星斗天寒浦色淒風烟殘碑剔苔辨文字
苦茗撥火供烹煎千載興亡幾陳跡半生哀樂徒霜顛

昔人秉燭良有以况弄冰魄相洄沿山門玉帶記佳話
濡染大筆眉山篇宦遊蹤跡屢來往諧談悉逗機鋒禪
生平懷想慕高躅鈍根苦被塵勞牽到此身世兩何有
自分惟有蕉團便諸子芳華盛文藻莫令勝事輸前賢
會當扣舷發高唱壁題待取證他年

至日邳州道中

至日天涯尚役車蕭條千里入邳徐破除寒乞三盃後
回斡春陽一線初鴉背雪雲濃浦樹馬頭煙火澹村墟
浮生總屬塵勞境底論關河歲月虛

帷車穴其後以避北風戲成是什

錯將北轍認南轅前後渾忘輕與軒常覺凝眸鄉樹在
那愁撲面陌塵翻謀同堦戶防晨霰巧試寒帷納午暄
約略江村偷舊樣短蓑倒跨叱烏犍

官河午憩作

破帽茸裘犯曉霜長郵短晷客心忙雪峰初日露明翠
沙海終風成慘黃農隙村書聲漸熟年豐市酤力微強
午炊且傍簷曦坐待飽瓦盆豆粥香

曉起

殘月墮林梢更闌急柝鼓荒雞號露柵凍雀警風巢福
分酸齏甕生涯苦葉匏何如貪坐睡日午掩衡茅

臘八日河間道中啜粥作

棗香豆軟粉餠調喚買剛逢臘八朝好似蒲團趺兩足
木魚催動到齋寮

甫抵京寓家人置酒即席慈願呈四絕句依韻答
之

年光飛電不須留世事空華不用求付與汝曹作家計
春旛且插老翁頭

風塵苦累眉雙鎖烟月閒消指一彈且趁布衾晨睡足
也知滋味勝磨官

相對團團舉一杯兒童笑指客初來愛渠拈得機鋒捷
索取梅花頃刻開

持來佛寶三心妄乞得仙丸一字閒只恐眼前終不悟
打包又去覓空山

題消寒圖

凍雲晴雪曉模糊斗覺嚴威著紙鋪揭爾繪聲兼繪影
與他施粉更施朱文憲自理三餘課史館誰陳七月圖

為報杏坊春最早風光先已滿
皇都

蠟梅分韻得風字

羅浮仙子道粧工
磬口檀心品不同
驛使丸書先犯雪
酒人燒燭漫障風
艷情偶著蜂塗辦
慧性微拈鳳綴籠
紙帳清寒憑細嚼
渾忘香味定禪中

和慈願韻三首

閑邪誠自見見處即天心
本是三家種惟求一字箴
風前觀蝶化霜後悟蟬瘖
未解無弦妙紛紛辨指音
本體修時悟工夫悟後修
放圓心面面得一道頭頭千

佛名經奉三生宿帳勾靜中照諸妄起滅萬泡漚
癡頑何所有慚愧老靈椿澹泊隨緣好和平得味真氣
通千息水神養十分春誰肯衣珠覓生涯枉歎貧

賦得本來面目八韻

面目云何認如來是本因常超生滅界普攝聖凡倫活
脫千潭月虛涵一鏡春圓成離四相徧現具三身換骨
寧煩術添毫便失神不空還不有非幻亦非真木偶家
家戲芻靈劫劫親始終雙肉眼誰識箇中人

殷七花開十二韻

仙人原住藥珠宮天遣司花下紫宮
恹冰威封凍蕾戲將丹術起寒叢
冶緣已斷前春雨芳信難傳昨夜風
重與扶頭呈活脫偶經彈指示神通
種桃定訪元都侶采藥還攜碧海童
半晌靈蹤尋萼綠多般結習惜薦紅
魂歸金谷烟光黯夢醒瑤臺月采藻
蝶使蠶媒行處有蘭因絮果本來空
筵催羯鼓過徒急陌度飴簫喚未終
枉認生枯雙管底渾忘開謝一壺中
護持豈藉施播巧點綴休誇翦綵工
何似優曇隨手現刹那佛地證圓融

三生石十二韻

情苗未了性根鍾
片石應教歷劫封
倏忽三生彈指過
依稀一笑點頭逢
痕分碧蘚新扶屐
朵認青芙舊駐筇
是處勾留雲水夢
幾番印證雪泥蹤
升沈因果春隄絮
來往精魂夜壑松
業鏡難空終入幻
願香猶在莫辭慵
槎回持贈緣非薄
柯爛貪看興正濃
揭爾能言傳梗概
縱然已化賸形容
補天曾試玲瓏手
填海難消磊塊胸
嵩室有人尋羽士
峨眉同伴覓禪宗
若論歲月相思久
漫道星辰小謫重
倘許靈山趺白足
法輪常轉六時鐘

春雪一百韻

雪澤臘猶靳皇天乃好生方春喜飛灑徧地潤勾萌
帝里桃符換官街綵勝呈寒威凝朔霰韶氣益祥霏隔
牖低簷篠開軒密綴檉截肪圍筍隲罨翠掩莎坪結霧
霏微合回風料峭迎一層鋪絮薄五出鬪梅輕 御苑
臺連璐仙洲島覆瓊冷輝衝碧瓦曙采散金莖色借晨
珂晃光隨曉珮瑩舞庭馴象矗排闥怒猊獐淞聚渾欺
蝶綿吹每誤罵瑞圖三秀草社表萬年觥郭履隨留滯
莊衣倍寵榮乞漿流沆瀣得寶集璆瑛簷溜承蚪挂墻
陰繚蜃盛未消鳩鵲觀已滿鳳凰城烟縷綠珠箔冰絲

習繡囊拂郊班仗肅繞巷爆竿轟屏幃開雲母簾櫳透
水晶沃湯融酪乳燕液和膠餠盡日鵬依榭移時雀啁
楹濕沙盤馬埒霽魄試燈棚點袖歌游伎飄衫舞戲嬰
酒樓銀鑿落棋館玉楸枰別有苔岑侶

謂金門

能為松石

盟香龕勤禮竺丹鼎秘師彭服襲矜沅芷磨礪美楚珩
著林逢蓂藟除逕覓蕪菁且縛山童帚聊攜學士鐫麈
堆朝供鉢鹽撒午齋羹楮拙親微燠屠蘇謝宿酲元談
豎巾拂法曲屏琵琶芝室鸞蹤度瑤壇鶴跡橫六銖曾
曳帔七寶忽垂瓔伽刹禽披縞嶠州果帶頰界搖銀海

活境住玉壺清嶺上枝千里窓前燭二更已諧梁苑會

底訪剡溪行

蓮士新至

硯借方珪譜書從夾紙評膏休沾謝

惠灰肯撥陰鏗求友蘭芬接留賓菜把盈新年隨事樂

舊雨幾時并天末紛多感江南最有情故園收芋栗老

圃閉柴荆漁簾空汀黯樵柯暗澗丁焙芽嘗錫井破萼

問銅院霽水妍辭繼孤山逸唱廢輪蹄徒故我杖履有

耆英開府方持節

謂石君先生

行臺屢駐旌一清懲吏墨三

白喜農耕芳甸催花信暄畦驗穀精高原來雁鷺厚地

絕蝗蟲占更符箕畢呼應罷癸庚陰陽消伏沴飽煖速

鰥惇豐樂心難愜溫和道自亨素懷澄滓穢朗抱淨聰

明賦質殊鵬鸚流光逝蟀鷖立門慙負笈照案記窺縈

載緬金閨客遙傳絳帳名

謂可亭丈

粉廊羣角藝鏤院獨懸

衡侔揣工誰擅興又險各爭滌襟惟卷帙澡德在膠鬲

奉使夔雲疊懷人棧樹縈關心鴻爪跡傾耳鳳雛聲

謂雪

橋鬪穴聞么冠犁庭事遠征鈴符歸上相牋奏屬清卿

謂祿

壯志輕橫舉雄名重請纓三乘耆嶺域百勝索倫

兵龍象森嚴護熊羆咄叱驚磧霜侵劒靶邊月對弓弮

薪火輸籌長壘近峒氓凍雲封馬背潭淖沒牛脰日

出千屯曉烟消萬竈晴投醪舒懍烈挾纊助崢嶸
矜跳盪獠童逐裸裎笑談烏執帳騰躍蔡州營
破竹傳竒捷銜枚用密偵祁寒塵
睿慮采入矢精誠雅管行
歌柳軍饒及薦櫻休徵增敵愾佳兆協師貞
控制全輿廓栽培大造宏萬靈資翊衛九寓
佑昇平雷杼昭聲震河魁急律令斗槎凌絕
漢颺馭覲元正直御丹霞氣馬知碧落程歆
鬢星簡駟轟甲浪排鯨印度峰圍塔搏桑
海挂鉦翩然歸紫府竭爾下瑤京難挹浮邱
袖如聆子晉笙一枕通鑒格羣品荷裁成
努力期時棟諄言勗國

楨高寒殊可託堅白孰能鳴北極陽開泰南宮福錫楨
吉祥占止止信果守硜硜頑石頭應點緇塵眼易盲永
懷結霄漢矯首望蓬瀛拈悟空華幻持嫌寸鐵錚凡音
非郢調何以答韶龔

燈毬三十韻

軼事西湖紀三元數令辰買燈輝近苑弛鑰達層闌彌
望星毬錯平分月魄新摘驪懸萬顆綴鳳繞千巡密翦
瓊瑤碎輕裁綺組勻虹橋垂匝匝烟陌散璘玢疊暈玲
瓏徹連環宛轉循流蘇圍寶蓋絡索引珠輪左右分棚

設高低列幕陳錦隄葩吐繡晶闕浪堆銀舞馬歡迎埒
蹲猊誤撲茵似拋芳榭綵疑蹴廣場塵輓雪驚翻手回
風學背身品高中市價樣出尚方珍聞說成都彥來充
上國賓事諧銅鏡卜兆取錦標掄院炬他時撒牀檠此
夕親踏槐逢幾度攀杏待兼旬次第金釭簇團圓玉蘂
皴自天擎熠燿隨地走盤囷聯臂爭擡袖當頭忽墊巾
溜丸窮碧落擲杖指丹垠得雋花添喜占祥謎共詢照
蠶農慶洽燒鯉士懷伸別有同龕侶如依出世隣白毫
光裏界綵筆夢中人瓔珞瞻空色琉璃結淨因化城原

青
言
不夜仙圃自恒春
喝韻聽敲鉢拈機許續薪
長明一圓
相若箇認能真

慈願生日為賦禪仙吟

也非游戲也非顛
半學仙人半學禪
已悟去來無住相
漫論大小不齊年
燒丹鍊藥何勞術
喫飯穿衣豈礙緣
謝却諸天供肴膳
一瓢枉酌菊溪泉

心花疊前韻二首

春風休逞海棠顛
不著濃薰不破禪
轉眼榮枯歸大造
忘情開落付流年
祖燈喜覓三身在
仙筆奇留一夢緣

只在此間真種子栽培福地沃心泉

駭綠紛紅世界顛靈根獨透第三禪離香離色成千古
經雨經風度一年迦葉座間休著意維摩室裏亦隨緣
各家都有菩提種共向源頭覓灌泉

閉關自訟四首

元珠一失到如今閉戶須當作計尋靜裏欲觀來復象
密中難守退藏心攀緣影在偏纏夢結習根深不斷吟
但著靈臺都是障云何弗受點塵侵

莫隨世境莫沉空本體分明未發中心到坐忘方覺照

事能卧治始融通多思何益須從學寡過猶難敢冀功
自病自知還自療休推此病衆人同

良知萬古湛然虛罣礙多因妄未除鹹海一漚終帶味
石田三歲不成畬去其害馬為知馬誤彼騎驢又覓驢
誰證靈山真面目漫勞堆案竺乾書

枕上邯鄲幻態紛閒身易退遠埃氛先空我相秋潭月
漸杳人蹤晚岫雲半世枯亡求夜息中年衰謝企朝聞
從今念念都拋却困勉工夫一字勤

本體詩四首用前韻舉似同學靜中所見如此非

實有得也

一如那有去來今當下空勞歷劫尋若會語言原是道
莫云知解即非心海深噓吸千波湧風定于喁萬竅吟
不二門中總無二更何佛度與魔侵

俗儒底事諱言空識得空時始識中天地密移生不已
鬼神寂處感皆通由先而後明新學莫顯乎微位育功
此是聖門歸一旨但能無我物原同

人生而靜自然虛欲境全消萬障除性分有差非畛域
情田无妄不畱畬春來辛苦銜泥燕暗裏紛忙打磨驢

若契老莊遺物趣談元應廢養生書

莫厭塵勞識界紛任他起滅總游氛赤烏幕地翻靈海
蒼狗須臾掃幻雲月象虛空非指指雷聲淵默不聞聞
畫前妙理從何說且向窓間點易勤

潞河舟次作

倦鳥居然返舊林祇緣多病謝華簪佛云露電觀無礙
天與烟波趣漸深帆影散垂風側面櫓花圓折水中心
推篷便有江南興已學溪蟬自在吟

津門晤嵇籊浦都轉

二十年來管鮑知中間契闊鬢成絲重逢婁曲雲停處
又對瀛壖月滿時東道已無垂索慮西風祇有挂帆宜
江鄉留得鷗盟在酒熟比隣醉不辭

疊前韻呈存塘舅氏

照眼淮山桂滿林故園黃菊也堪簪紅埃夢忽今朝醒
白社緣從宿世深韋曲同歸吳下客天涯可釋渭陽心
忘機鷗鳥無驚怖稱意篷窓剪燭吟

登東昌光岳樓

海郡層樓四望寬悲秋懷古一憑欄雨來青嶽浮雲暮

風過黃河落照寒
鹽蛤霸才勞瑣屑
沙蟲戰劫騰辛酸
射書城畔傳遺跡
高義千秋仰止難

濟寧浣筆泉用壁間韻二首

李供奉浣筆處合祀賀四明杜少陵於此

醉筆何年浣此池
瓣香奉處見遺祠
雲烟幻滅今千載
風月沉酣彼一時
豈意寓公偏著跡
每教過客漫投詩
滄洲笑傲英靈在
賸有青山是舊知

杜陵勝蹟紀南池
風義真堪祔此祠
早結心期投贈日
晚悲才命亂離時
未酬供奉拾遺職
各擅開元天寶詩
底似乞湖狂道士
閒蹤付與白鷗知

渡河口占次存塘舅氏韻

英雄枉唱浪淘沙事業虛談貫月楂只有淮南叢桂樹
多情待我始開花

中秋夜賦得月圓月半六韻為瑤華子作

即慈願也

瑤臺不寫素娥愁莫怨團團半即休何處關山三五夜
遙知宮闕十分秋輪中仙桂花全放階畔祥蓂莢已周
弦過上旬勞屈指鏡安初夕喜當頭人間天上乘除數
古往今來起滅流悟得一如圓滿意虧盈能礙定禪不
舊年臘月十九日慈願用坡公嘉祐寺梅花韻作

青人言行利 卷二
詩余今歲歸田復值茲辰而慈願已化去矣感而有作仍用是韻

東風吹曉江南村樓頭玉笛招花魂香寒骨瘦意瀟灑
一洗世界浮埃昏草堂百本久蕪沒補植近賴歸田園
今年冰雪不禁勒繁枝歷亂爭冬溫枯禪借此作隨喜
終朝倚樹迎簷暎三生省夢記古寺十年掃跡辭修門
花已神仙我塵土幾時修到花無言證盟終待老玉局
吟成更酌花千樽

靜厓詩後稿卷二

靜厓詩後稿卷三

鎮洋 汪學金 敬箴

古今體七十五首

盡癸丑
一年

土牛三十六韻

元武精儲宿勾芒位配神土牛占改歲農扈喜班春類
德坤為順覩方震出新肖形惟塊立託質在泥鈞筮卦
當黃華歌詩貴赤純祈年咨保介宜俗驗齊民敬授時
行夏籙迎令攷秦遺文從古重成例至今循堂下牽而
過田間巽以申先鞭殊踴躍後策或逡巡豈待丁游刃

還勞丙駐茵載塗疑豕負圻兆訝龜皴記舉東郊典來
觀上國賓具儀京尹告將事禮官陳御仗排蒼闕仙
韶達紫宸花幡爭翦燕綵筆正書麟九陌歡聲普千門
淑氣勻趣耕開小郊卜稔際初辛祭禴分餘福驅儼散
積迤貢紈侯甸入服賈蕩平遵椎饗軍威讐麾升牧事
親調元瞻有象奉朔集如縻表賀宣台輔詩賡還侍臣
吉犧寧敢憚疲駕竟難臻去覓呼犍浦歸依買犢鄰趙
雲俄變滅吳月漫嘶呻蝸舍容棲息莎宮費塞堦逐嫌
雞口利忙謝馬頭塵撓紀剛逢丑義官恰指寅吹噓鄒

律早檢點泥書頻語共扶犁叟謠隨擊壤人有何情敵
棘祇是體輪囷代謝終虛牝成虧總幻身原知芻狗賤
莫認雪鴻真矯首仙關氣觀心佛地因黃州重說夢軼
藻許同掄

春朝家人小酌樸齋老人命各言所樂學金即口
作帖子吉語以供顧笑云爾

菜根本美家風好蔗味尤甜老境亨最樂豐年人飽煖
尚留壽耳聽春聲

樸齋老人言豐年樂

大歡喜會因緣在妙吉祥光福德多最樂蓬山住仙眷

青言

謂慈願也諸天肴膳供頭陀靜屋言諸天樂

無閒緣處餘清福自了乘中得定香最樂華嚴功德海

一毛孔現一毫光忍慧言清修樂

不參色相青蓮果得證聞思紫竹緣最樂至心成本願

一家同住大羅天果聞言全家樂

詩書服習思先澤科第遭逢悔少年最樂家園舒愛日

親攜襁勝到堂前愚生言天倫樂

養蒙要識生生意玩良須觀止止心最樂曉寤勤點易

先天更向畫前尋耐山言讀書樂

對雪用聚星堂韻

臘後新篳清竹葉坐惜冬溫久無雪春來七朝作醞釀
立春後連日陰寒寒雲解駁望垂絕卧聞浙瀝打窓紙起視風

簞半稍折隔牆一縷炊烟浮近郭三义行逕滅活脫新
詩喜肩聳倔強枯毫疑背掣此時郊飲我不辭照座盆
梅露網纈開春簫鼓太喧闐饋歲筐筐殊瑣屑忍凍寧
教敝帚閒畏炎已悟洪爐瞥意酣合眼即華胥妙境原
難向人說初禪修習斷根塵不礙布衾冷于鐵

叔溫既和前韻翌日復疊韻見示因酬是篇

吾病早衰如槁葉短髻新年催點雪觀化渾忘歲月徂
避喧差幸交遊絕陋巷蕭條聞足音閣外寒香為君折
離境何須繫去留隨緣畢竟除生滅才地徒高驥櫪鳴
情關忽斷鷹韝掣喜占三白上眉尖醉發雙紅生眼纈
老圃家風饒菜把春盤例事供椒屑東皇有意作吹噓
花絮無根誤飄瞥皓然積素徧虛空但淨識田了無說
十字街頭沒蹀泥著脚一錯難鑄鐵

雨窓被酒而卧國兒攜金門學使書至乃為發
少頃家人買草蘭數百本隨意種之致足樂也

百物異榮悴曠觀常一如江湖通夕酒風雨隔年書遠

役休官罷

昨被得

命督學黜省以假歸旨改放金門書中語也

閒緣學道除

相從種蘭草花發徧吾廬

元夕霽月甚佳攜博兒過楊省緣丈別業用坡公

上元夜韻

十年京朝官慣踏天街燈歸卧老屋底紙帳吹霜棱涉
境悟喧寂遺慮忘衰興東風庭際來已解春池冰一龕
長明火省味空山僧須臾晃晶毬彩徹雲霄層流影弄
檜柏柯葉交翳鬢聞君東涇宅架石為岡陵興至且一

往辱脚猶能升俯視紅埃夢兀兀還騰騰

止亭小坐有會

獨坐溪亭上悠然見化機
一空心不繫衆妙理無違水
暖潛鱗躍林晴倦翅飛
簷梅風過處片片點春衣

汝南表兄攜二子見過用前韻示之

抱犢求歸隱隨鷗學息機
跡偏農圃近興弗冠童違點
筆催花舞傳觴逐羽飛
回思少年事庭畔各牽衣

賦得杏花春雨江南用江南二韻各一首

是處人家罨畫窓
花枝濯雨影幢幢
貪看山寺迎嘶馬

喚買溪橋引吠龙濕翠肯教遊脚倦暖紅翻鬪酒顏降
十年春夢依稀記殢眼風情似曲江

花姿雨態兩相慙人過蕪城取次探紫霧漸籠三面水
紅雲忽映一層嵐尚書覓句催春鬧學士緘詞待曉酣
何似吳中老桑苧閒攜笠屐到村南

雨中之沙溪鎮

扁舟冒雨夕程遲夢醒推篷枕半欹曉熟書聲雙鳳里
春潮帆影七鴉司青黃菜麥難分離紅白梨桃不辨枝
今日始知牛背穩烟蓑風笛總相宜

春浮禪室夜坐有作

多事春風惹髻絲
靜中滋味許誰知
草堂雪後清無夢
野圃花時醉有詩
衰病休嫌扶杖早
迂踈猶愧掛冠遲
惟留佇月閒情在
香篆頻消總不辭

題佛前牡丹

前塵已破色香界
春夢全消富貴場
福德莊嚴諸相足
法王授記號花王

晏坐吟

一炷初熏解脫香
摩尼只在箇中藏
夜禪若得桃花悟

春夢應除柳絮狂，真實更何煩舉似虛空。原弗費思量，但須識得漚泡影，浪打風吹也不妨。

周仁基表姪新婚贈言

種玉緣成喜弗勝，當年曾記語傳冰。問安堂上如兄弟，勸讀窓前即友朋。要在和音為靜好，從知淑德去驕矜。桃夭願託風人義，祝爾宜家早著稱。

題郡守于滄來同年讀書圖

端委開句吳王化，被南土公子秉高節。信義照千古，言氏文學科。儒風擬鄒魯，至今江左家。誦絃逮編戶，吾鄉

僻海濱樸塞近淳古俗儉思不淫地瘠力乃苦教養有大端師帥豈小補正其義利源蒸然仁讓宇公讀風俗書可以獻朝寧

出處非兩途君子行所守守身以致身君親庶無負何以遂顯揚此生期不朽何以勉報稱此念持不苟夙夜冰淵心毋傷足與手咫尺日月光勿玷圭與綬竹帛千載芳俎豆百年久丈夫當如是儒者若固有公讀忠孝書可以式僚友

龍興造瀋陽豪俊如雲屯借問甲第誰云是于公門同

時兩尚書清端與襄勤校校節鉞威弈弈旂常勲棠陰
在南國井牧流餘恩太史實繼之粹德清而溫校文王
堂秘執簡霜臺尊賜卷羅縹緗遺經襲荃蓀公讀傳家
書可以裕後昆

為學戒自欺行己重有恥青青者子衿出入貞素履六
藝發英華五倫務根柢勿營溫飽謀瑣瑣溺貧鄙勿競
聲氣習紛紛涉浮靡使君升講堂諸生請業起從容接
燕談次第課文史肯告丹鉛疲願叶笙簧喜勗爾四民
首淑身化厥里公讀孔孟書可以訓校士

露冕望東原
阡陌排魚鱗
曖曖桑柘間
雉飛一何馴
傳呼使君來
甘雨隨車輪
四月小麥熟
五月良苗新
黃棉箔上滿
白紵機頭勻
及時務生計
衣食殊艱辛
使君語父老
益藏匣箱困
使君語丁男
緩急敦鄉隣
但見使君喜
不見使君瞋
公讀樹藝書
可以阜農民

雀鼠甚微細
煩刑與謗讟
庶幾協于中
慎勿操之蹙
使君何神明
片言清積憤
澄鏡照不疲
虛舟了無觸
毳衣自有威
蒲鞭亦云辱
堂前何所有
琴徽媚幽獨
室中何所有
香篆凝一炷
永釋哀矜懷
已享和平福
公讀法律

書可以平庶獄

沿江既塗泥瀕海更斥鹵水利宜亟修綢繆迨未雨前

有白公

登明

隄截若畫地斧後有宋公

楚望

塘屹若射

潮弩比年苦淤墊迫切控大府官工開劉河民工濬七
浦畚插匪不勤溝洫究奚補治法在治人僕我名與杜
公讀河渠書可以治邦土

弱冠奮詞場坐與羣雄角冶容炫新粧俗耳倦古樂少
習壯而悔昨非今乃覺歸來衡門下紬卷細論摧慚非
通經儒空拳難把握愧無見性功瞪眼終成眊何期麗

澤占塵蒙藉祓濯願以衰朽姿更就般僂斲讀公所讀
書可以益吾學

入夏以來止酒百日吟事亦廢國兒擷池蓮作糕
以獻為賦是詩

枯蘖苦莽隨朝饔一飯例聽闌黎鐘結夏初持斷酒戒
匏尊但貯山泉淙海南荔漿寄芳冽鶯黃不瀉玻璃鍾
時鷗觴表兄自
粵中寄餉二物渴腸焦吻百事懶坐令振響輸吟蛩小

兒覺我太落寞新異忽出齋厨供紫荷氤氲作百和香
杭細膩經千春輕清上浮水火得中有靈液成甘醲沁

齒尚含風露氣沃心更對冰霜容阿耨池邊忽坐我醍
醐倒灌菩提胸三關七竅滌滓穢梵炁吐納青芙蓉豈
知己著色香味一飽便障根塵重浮生匪直口腹累飲
啄洵屬機緣逢楊村昨泛北沽棹平望近繫南苕舸兩處
皆出爭詡精竒笑市僧却貪輒美宜鄉儂倦遊家園歇
行脚只合半菽安衰慵敢擬蘇家芋羹糝底羨石尉蒔
蒔封今年春雨已傷麥下田積潦虞灾凶願以禮誦感
慈濟鉢蓮頃刻收癡龍穉耜登場和板早簸糠篩秕歡
三農與爾題餠作重九菊醅新醖缸花濃

省緣丈惠秋蘭東謝

炎埃侵不到空谷默含芳得氣知秋早
培根閱歲長晚分騷客佩室化善人香
為念同心契名言敢慙忘

晚涼

晚涼隨意坐坡陁世事浮雲一瞥過
隱趣山中新桂樹夢緣庭畔舊槐柯
長懷鸞鶴傳清響閒翫龜魚弄細波
底為幻身愁老病重揩昏眼讀維摩

經摩

近得俞仲尉為弇州山人書小楷維

題故明副總戎王璿伯先生遺照

親在何敢死國亡焉可仕生平忠孝心所求惟一
是卓哉總戎公仗策歷艱否填海志可哀背城力
難抵慷慨臨淮刀憤切霽雲矢帳下負殘骸閨中
喻微指一門炳義烈伯也真男子却顧垂白人慟
哭投鞭弭拊髀竟何為刳肉聊復爾隻身繫家國
餘痛入骨髓遺貌肅丹青雅懷託文史廢壘夕陽
中閒門秋色裏欲識故將軍依然老處士

滄來刺史招遊郡署後圃登鎮洋山眺望賦呈二
首

甘雨朝來忽灑圻農歌聲裏早涼歸題詩壁在蒼苔點
賭射堂成碧柳圍商節漸催鴻北至新詞應唱鶴南飛

香凝畫戟羣公會

是日郡僚畢集

容我烟蓑坐釣磯

小亭題榜署三仙開拓雲山攬勝全海氣自浮諸島外

風光猶記廿年前

辛卯余曾遊此

感深蘭譜清遊美喜託棠陰

老卧便籬下敢煩公送酒更樽就泛九秋天

井福堂石函研歌分韻得石字

東井垂精光弈弈下應藍田種蒼壁六司奏報文字祥
帝遣陶泓汲元龜陰陽配合太極分霹靂一震雲根掘

天然兩開作覆蓋中有萬古神淵液函封莫辨蒼頡篆

井法誰仿成周尺

研底作井文

我家草堂卜築新占以受福

署楹額忽來文寶符吉徵驚喜奚翅錫朋百石倉遺澤

記流傳

研為外家曹氏所贈

玉堂清夢懷疇昔往來得喪貴順時

學易初收開卷益井水無波道自尊研田有秋學當積

敢希用汲食寒泉願筮盍簪貞介石

省緣丈招遊半勺園晚就師儉堂桂下小酌分韻

得字字

秋霽獲澄爽遐抱寄林圃開花先有約看竹來問主主

靜庄詩後稿卷三

士

人了外營道氣在眉宇閒尋紫芝翁密契黃梅祖東涇
拓小園止水聯簷廡半勺得廉泉一滴歸法乳汀葭散
風漪岸柳疏烟縷春遊曾幾時流陰詎堪數啣棒尊宿
訶秉燭古人取命開花下樽留拂松間塵一鳴青瑤雲
滿庭金粟雨送客露沾衣殘月已半吐扣舷意渺然夢
落垂虹浦

是夕余有
吳興之行

和滄來刺史詠梅八律韻

水烟池館月樓臺離垢天邊乍結胎冰驛有書勞使寄
雪龕無伴乞僧裁香從翠羽喧時動花向青山缺處開

遙憶三仙亭畔坐親吹橫竹鶴低徊

只合詩人品此花同心標格正而葩為嫌金粉汚顏色
却耐冰霜嚼齒牙嘉樹又看新物候幽香難忘舊生涯
終朝相對成相賞官閣清名一例誇

歲暮江村雨雪昏誰憐破曉耿籬門到來笠澤先生境
招得孤山處士魂明澹不遮烏帽影清寒偏殢碧衫痕
箇中臭味無人會獨把芳樽與細論

半倚松枝半竹枝偏於瘦冷見風姿遠峰破碧雲初醒
深院留黃月未離約客休辭湖上醉懷人已就隴頭詩

放衙添得軍持供正是香凝燕寢時

東皇勅許領春華一脉天心數點花獨結真香終不散
全留本色更何瑕夢游風雨羅浮國吟訪湖山鄧尉家
輟俸買來纔幾樹官清贏得口碑嗟

重省題名剔石苔江南喜見一枝來忍寒紙帳槎枒骨
話舊茆堂楫柁灰雪後且容僵客卧春前特為使君開
九英花隙窺初日始信文章屬妙才

老屋西風對野塘小橋流水隔鄰香十年一賦心如鐵
五夜千杯鬢有霜墮砌仙雲仍縹緲著林佛雨自清涼

迎門偃蹇君先笑笑指寒花似病粧

同拈綵筆異生枯慚詠霓裳傍桂林樹下賓徒吟簡集
花邊父老醉筇扶占來三白心先喜壓倒千紅品自孤
郡守新詞如玉雪他年傳唱徧東吳

瑤華子結念霄漢寄情豪素嘗於上下平韻中各
選一字成斷句三十首屬畫師寫圖題句其上署
其冊曰寫韻選仙藏之篋衍有年矣化去後遺跡
如新冊尾押藥珠文字在人間小印蓋預示其兆
耶余既錄其詩刻入願香室筆記中因和其韻

萬古鴻毛一笑中。蘭臺休聘楚王雄。閒來畧試蒲葵扇。
不許紅埃到閨風。

等閒乞得崑崙竹。知是千年蛻骨龍。覷破世間狂粉黛。
醉中隨手斫三筇。

洞深宿火夜留憲。懶卧無心吠谷疋。蹋雪狂歌行藥去。
山中枸杞化靈虺。

為惜高岡翠鳳飢。金精石髓養青脂。安劉翼呂功何在。
只合商顏老茹芝。

寒將薜荔披雲出。製就芙蓉曳月歸。一枕曹騰金紫夢。

人間誰是鄴侯衣

林屋曾探禹穴居不驚劫火祖龍餘蠹魚未識神仙字
到死空鑽故紙書

竹筧新施調水符金鑿玉版淪雲腴定僧不受諸天供
肴膳休誇七寶厨

紫陌星河未向低汝南遮莫盡情啼何人解駐仙壺景
養得工夫似木雞

混迹和光小住佳神通運水及搬柴有時拋向千山底
任爾三彭守舊骸

言不刊
日飲長安三百罍。謫仙豪興未曾隕。歸來重赴釣天宴。
笑指東溟小似杯。

金粟霏微一鏡輪。空中起滅是何因。眼前休訝蓬萊淺。
須識桑田亦幻塵。

翦水輕羅漾碧雲。九疑縹緲望湘君。空江一曲秋風瑟。
彈醒巫山入夢雲。

穴藏幽闕通丹海。液泛華池度紫門。若向靈山尋脈絡。
一泓活水是真源。

市上隨人授紫丸。逢仙容易學仙難。勸君細讀崔公鏡。

階。却。心。頭。不。是。丹。

猶。鸞。隊。裏。拂。衣。還。回。首。觚。稜。夢。想。間。輸。與。瑤。宮。舊。仙。史。
鶴。書。催。侍。結。璘。班。

鰕。生。狂。憶。傳。書。井。鰕。客。癡。求。種。玉。田。多。把。情。絲。纏。兒。女。
有。誰。悟。到。了。時。緣。

擲。杖。分。明。現。九。霄。瓊。樓。玉。宇。望。中。遙。空。懷。飛。鵲。三。秋。渚。
却。聽。啼。鵲。萬。里。橋。

藥。譜。丹。經。讀。且。抄。蓋。頭。一。把。學。敲。爻。吉。祥。座。上。三。生。願。
不。用。靈。氛。為。索。茅。

靜庵詩後稿

卷三

五

退筆空成廢冢高。抽簪青鬢見斑毛。
篋中舊有淮南句。曾記西風吮醉毫。

太液秋風起夕波。神絃按罷恨偏多。
相如辭賦延年曲。不省東方據地歌。

雪山卧樹蛻修蛇。聞道流沙路最賒。
萬里有人持節去。支機石已載歸楂。

曾索瑤池九醞嘗。一瓢沆瀣帶天香。
陀羅新得醍醐味。願供靈林八粒漿。

石壇松院寂無聲。千劫都從一局生。
橘叟若能消世味。

秋應斂手對空枰。
九十春長春不老。玉芝瑶草共羅庭。壺中景向琅霄駐。
傳與人間一莢羹。

十載雪牕情黯黯。五更烟陌夢騰騰。多應增長無明業。
不解空王日月燈。

往來青翰狎鳬鷗。竭爾乘風汗漫遊。便到黑風羅刹國。
也無纖浪犯虛舟。
空處欲兼秋水淨。閒來且共暮雲沈。丹砂熟後驪珠照。
出世心為濟世心。

芒鞋到處想留庵。畧記丹溪在越南。若許海山為院主。
有人親見樂天龕。

仙娥竊藥太陰潛。碧海青天出鏡圓。留得生平一腔血。
罡風飛劍落妖蟾。

鳥飛不到露嵌巉。萬丈崖梯百尺杉。海上潮音成大覺。
皈心應在補陀巖。

題般若船八韻

欲入無邊會。當乘不繫舟。能排空有浪。直逆死生流。安
養千蓮坐。須彌一芥投。圓機虛豈觸。妙性弱堪浮。何幸

慈航接母煩慧劍求渡。杯猶涉戲捨筏。即知休從此迷
津出。難將願海酬衆生。牢把舵。覺岸在前頭。

靜居詩集卷三